



REPUBLIKA E SHQIPËRISË
PROKURORIA E PËRGJITHSHME
PROKURORIA E PËRGJITHSHME

**SHPLLJE PËR LËVIZJE PARALELE
DHE PËR PRANIMIN NË SHËRBIMIN CIVIL
NË KATEGORINË EKZEKUTIVE (Specialist)**

Njoftim për vënd pune të lirë në administratë në pozicionin “specialist IT”, në Drejtorinë e Teknologjisë së Informacionit pranë Prokurorisë së Përgjithshme.

Në mbështetje të Ligjit nr.152/2013 “Për Nëpunësin Civil”, i ndryshuar, Kreut IV, “Pranimi në shërbimin civil”, neni 23, Vendimit të Këshillit të Ministrave nr.243, datë 18.03.2015 “Për pranimin, lëvizjen paralele, periudhën e proves dhe emërimin në kategorinë ekzekutive”, Prokuroria e Përgjithshme, shpall konkurrimin për nëpunës civil të kategorisë ekzekutive III-b, pika 2, klasa B, për vëndin e punës në pozicionin “specialist IT”. Proçedura e rekrutimit, përzgjedhjes dhe periudha e provës do të realizohet:

Pozicionet më sipër, u ofrohen fillimisht nëpunësve civilë të së njëjtës kategori për procedurën e lëvizjes paralele!

Kandidatët duhet të plotësojnë kushtet për lëvizjen paralele si vijon:

- a- Të jetë nëpunës civil i konfirmuar, brenda së njëjtës kategori;
- b- Të mos ketë masë disiplinore në fuqi;
- c- Të ketë të paktën vlerësimin e fundit “mirë” apo “shumë mirë”;

Vetëm në rast se nga ky pozicion, në përfundim të procedurës së lëvizjes paralele, rezulton se ende ka pozicion vakant, ai është i vlefshëm për konkurimin nëpërmjet procedurës së pranimin në shërbimin civil për kategorinë ekzekutive.

****Afati i aplikimit dhe dorëzimit të dokumentacionit është i njëjtë për të dyja procedurat.***

***Për Lëvizjen paralele
Data 03.03.2023***

***Për pranimin në Shërbimin Civil
Data 10.03.2023***

A) Konkurimi për vëndin e punës në pozicionin “specialist IT”, në Prokurorinë e Përgjithshme, do të bazohet në:

- a- Njohuritë mbi sistemet kompjuterike dhe pajisjet hardware ;
- b- Njohuritë në lidhje me sistemet e operimit dhe funksionimin e rrjeteve LAN dhe WAN;

- c- Njohuritë mbi operimin dhe mirëmbajtjen e shërbimeve web based;
- d- Njohuritë lidhur me sigurinë e sistemeve dhe rrjeteve ;
- e- Njohuritë për serverat, LINUX/Windows ;
- f- Njohuritë lidhur me rrjetet private ;(VPN)
- g- Njohuritë mbi instalimin, konfigurimin dhe riparimin e pajisjeve hardware.
- h- Njohuritë bazë të gjuhës angleze.

I. Faza e parë:

- Verifikimi paraprak i kandidatëve për plotësimin e kërkesave të përgjithshme dhe atyre të veçanta të përcaktuara në shpalljen për konkurim
- Sektori i Burimeve Njerëzore në bazë të dokumentacionit të paraqitur, jo më vonë se 5 (pesë) ditë pune nga data e mbylljes së pranimi të tyre, do të bëjë verifikimin paraprak të kandidatëve, që përmbushin kërkesat e përgjithshme dhe të veçanta, të përcaktuara në shpalljen për konkurim
- Kandidatët që plotësojnë kërkesat e përgjithshme dhe të veçanta të pozicionit të punës, renditen në një listë sipas rendit alfabetik e cila administrohet në S.B.Nj dhe do të shpallet në faqen zyrtare të internetit www.pp.gov.al dhe në hyrjen kryesore të Prokurorisë së Përgjithshme.
- Kandidatët, që nuk plotësojnë kërkesat e përcaktuara në shpalljen për konkurim, renditen në një listë të veçantë në të cilën regjistrohen edhe arsyet e mosplotësimit të këtyre kërkesave. Kjo listë nuk publikohet dhe administrohet në S.B.Nj e cila njofton në mënyrë individuale kandidatët që nuk janë kualifikuar.
- Çdo kandidat ka të drejtë të paraqesë ankesë pranë S.B.Nj, brenda 5 (pesë) ditëve kalanderike nga data e shpalljes së listës. Ankuesi merr përgjigje brenda 5 (pesë) ditëve kalanderike nga data e depozitimit të ankesës.

II. Faza e dytë përbëhet nga vlerësimi i kandidatëve që përfshin:

- Vlerësimin e jetëshkrimit të kandidatëve, që konsiston në vlerësimin e arsimit, të eksperiencës e të trajnimeve, të lidhura me fushën, si dhe vlerësimet e arritjeve vjetore
- Vlerësimi me shkrim.
- Intervista e strukturuar me gojë.

C) Pranimi do të bëhet për 1 (një) vend pune në pozicionin “specialist IT”.

Ç) Për pranimin në shërbimin civil, kandidati duhet të plotësojë **kërkesat e përgjithshme** sipas nenit 21, të ligjit nr.152/2013, “Për nëpunësin civil”, i ndryshuar, si më poshtë:

- Të jetë shtetas shqiptar.
- Të ketë zotësi të plotë për të vepruar.
- Të zotërojë gjuhën shqipe, të shkruar dhe të folur.
- Të jetë në kushte shëndetësore që e lejojnë të kryejë detyrën përkatëse.

- Të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje.
- Ndaj tij të mos jetë marrë masa disiplinore e largimit nga shërbimi civil, që nuk është shuar sipas këti ligji.

D) Kërkesat e veçanta që janë prioritet në përzgjedhjen e kandidatëve:

- a- Diploma e nivelit “Bachelor” në Informatikë, Inxhinieri Informatike, shkenca kompjuterike, inxhinieri elektronike, Teknologji Informacioni
- b- Të zotërojë diplomë “**Master Shkencor**”, në degët si më sipër.
- c- Të ketë njohuri të gjuhës Angleze
- d- Të kenë jo më pak se **3 vite**, prioritet përbën që përvoja e punës të ketë lidhje me detyrat kryesore që do të kryejë në këtë pozicion pune.
- e- Të ketë aftësi të mira komunikimi dhe të punës në grup.

DH) Pozicionin “specialist IT” ka këto detyra dhe përgjegjësi kryesore, por jo vetëm:

- Instalim, konfigurim të pajisjeve fundore dhe ato të rrjetit në Rrjetin WAN të Prokurorisë së Përgjithshme.
- Inspekton rrjetin fizik, sistemin dhe aplikimet për të identifikuar dhe zgjidhur keqfunksionimin apo vështirësitë e tjera në funksionim
- Mirëmbajtje në efikasitet dhe në gjendje funksionale të pajisjeve fundore
- Asistencë teknike për problemet që dalin gjatë punës në përdoruesit fundore: formatim kompjuterash, instalim, konfigurim programesh pune që janë të nevojshme për përdoruesit apo teknike që mund të lindin në kompjutera dhe pajisje të tjera fundore.
- Kryen detyra të tjera të caktuara me ligj, akte nënligjore ose urdhër të epiorëve;

G) Dokumentacioni, mënyra dhe afati i dorëzimit

Të gjithë kandidatët si më sipër duhet të dorëzojnë dokumentacionin si më poshtë:

- a. Jetëshkrimin;
- b. Fotokopje të diplomës;
- c. Fotokopje të librezës së punës (të gjitha faqet që vërtetojnë përvojën në punë);
- ç. Çdo dokumentacion që vërteton eksperiencën të tjera punësimit brenda ose jashtë vendit, të lëshuar nga punëdhënësi;
- d. Çdo dokumentacion tjetër që vërteton trajnimet, kualifikimet, arsimim shtesë, vlerësimet pozitive apo të tjera të përmendura në jetëshkrimin tuaj.

Kandidatët nga jashtë shërbimit civil, përveç sa më sipër duhet të dorëzojnë dokumentacionin si vijon:

- a. Fotokopje të letërnjoftimit (ID);
- b. Vërtetim të gjendjes shëndetësore;

c. Vetëdeklarim të gjendjes gjyqësore;

Mënyra e dorëzimit me postë ose e drejtpërdrejtë në protokollin e institucionit me adresë: Prokuroria e Përgjithshme/ Sektori i Burimeve Njerëzore (konkurimi për vendin e punës në pozicionin “Specialist IT”) me adresë: Rruga “Qemal Stafa”, nr.1, Tiranë.

Mënyra e vlerësimit të kandidatëve:

- Vlerësimi i jetëshkrimit të kandidatëve, që konsiston në vlerësimin e arsimimit, të eksperiencës e të trajnimeve, të lidhura me fushën, si dhe vlerësimet e arritjeve vjetore;
- Vlerësimi me shkrim;
- Intervista e strukturuar me gojë.
- Totali i pikëve të vlerësimit të kandidatëve është 100, të cilat ndahen përkatësisht:
- Për vlerësimin e jetëshkrimit (cv) të kandidatëve, që konsiston në vlerësimin e arsimimit, të eksperiencës e të trajnimeve, të lidhura me fushën, si dhe vlerësimet e arritjeve vjetore, **15 pikë**;
- Për vlerësimin me shkrim, **60 pikë**.
- Për intervistën e strukturuar me gojë, **25 pikë**;

Mënyra e njoftimit dhe komunikimit me kandidatët do të bëhet nëpërmjet adresave të email-it, me mesazhe në numrin e celularit të kandidatit, në faqen e internetit dhe tek dera e Prokurorisë së Përgjithshme.

Për më shumë informacion për Prokurorinë e Përgjithshme dhe veprimtarinë e saj mund të vizitoni edhe faqen tonë në internet: www.pp.gov.al

PROKURORIA E PËRGJITHSHME

TIRANË MË 22.02.2023